

Date – 25/06/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Aizawl Municipal Corporation Ward 19-na Corporator thlang turin tukin dar 7 atang khan vote thlak tan a ni.
2. AH&Vety chhinchhiah danin state chungah vawk pulhri -ASF vangin nimin khan vawk 146 an thi a, vawk 282 suat a ni.
3. Lok Sabha 18-na MP thlan tharte chu nimin khan rinawmna thutiam tira lakluh an ni
4. Union Minister JP Nadda chu Rajya Sabha House Leader atana ruat a ni.

<><><>

AMC POLLS

Aizawl Municipal Corporation Ward XIX Corporator seat ruak hnawhkhat turin tukin dar 7 atang khan vote thlak tan a ni a,

AMC Ward 19-na Corporator ni lai, Baryl Vanneihsangi, MLA a thlan tlin a nih tak avanga Bye-Election hi neih tur a ni a, he inthlan hi kil 4 atangin an inchuh a, Congress ticket in Effie Vanlalhmangaihi, MNF ticket in Dr. Lalrinzuali Hrahse, ZPM ticket in Dr. C. Malsawmtluangi leh BJP ticket in K. Vanlalruati te an ding a ni.

AMC Ward 19-na hian Tlangnuam, Tlangnuam Vengthar, Kulikawn, Melthum, Hlimen leh Saikhamakawn te a huam a ni.

(Desk)

<><><>

SERCHHIP JAIL INSPECTION

Serchhip Dist Jail inspection team ten nimin khan Dist jail an tlawh a,

Chhiahtlang a awm Serchhip Dist Jail enfiahtu Dist jail inspection team te hian kum tling lo jail tang an awm lova, jail duty nurse chu chungkaw bawrh sawmna avanga rei tak chawlh lak ngai a nih avangin, jail tang dam lo enkawltu an awm lo tih an hmu a, hei bakah hian Serchhip Damdawi in a hruai turin lirthei an neih that bawk si loh avangin harsatna an tawk mek tih an hmu bawk a ni.

Tun dinhmunah Serchhip Dist jail ah hian mi 51 an tang mek a, heng zinga 2 chu hmeichhia an ni a. Tang tam ber chu damdawi hman khawloh a inhnawh an ni.

(CL Hlua Serchhip PTC)



ASF

Animal Husbandry and Veterinary Dept chhinchhiah danin Mizoramah vawk pulhri -African Swine Fever (ASF) vangin nimin khan vawk 146 thiin vawk 282 suat a ni a.

ASF vang hian Mizoramah kumin January thla atanga nimin thleng khan vawk 3346 thi nia report a ni a, vawk suat tawh zawng zawng hi vawk 6504 a ni tawh a. Nimin bika vawk thi zat hi Aizawl District ah vawk 24 a ni a, Serchhip District ah vawk 33 leh Saitual District ah vawk 88 leh Khawzawl District ah vawk 1 a ni a. Tihian vawiina Mizoram chhunga vawk thi zat hi vawk 146 ra ni a.

Nimin vek khan Mizoram chhungah vawk suat zat chu 282 a ni a. Aizawl District ah vawk 155 suat a ni a, Serchhip District ah vawk 92, Saitual District ah vawk 28 leh Khawzawl District ah vawk 7 suat a ni bawk a ni a.

Serchhip khawpui chhunga Hmar Vengah tun hnai khan vawk thi a awm nual avangin Serchhip Hmar veng huamchhung chu nimin atang khan ASF hri len mekna hmun - Infected Area ah puan leh a ni.

Infected Area -atang hian Vawk, Vawksa leh Vawksa atanga thil siam reng reng lakchhuah emaw lakluh khap tlat a ni a, Vawk thi reng reng paih mai lovin, chinai/disinfectant nen thuk taka phum ngei tur niin, Vawk talh leh Vawksa zawrh khap tlat a nih bakah Vawk thi an awmin AH & Vety Department Official te hnenah an hriattir vat thin tur a ni bawk a ni.

(Corr/Serchhip PTC)



DY SPEAKER

Kolasib Khuangpuilam Community Hall sak thar chu nimin khn Assembly Deputy Speaker Pu Lalfamkima'n a hawng.

Khuangpuilam Community Hall hawanna hun hi an VCP Pu Robert VL Hruaia'n a kaihruai a, Dy Speaker Pu Lalfamkima chuan, thusawiin hmasawna chu vawi leh khata thawh zung zung a harsat avangin an veng mamawh thil dangte pawh a tahtawl in thawh zel anih tur thu leh sorkar hmalakna te thlawp a, tawiawm zel turin kalkhawmte chu a chah a. ZPM party kaihruai sorkar chuan thil pawimawh tam tak zingah Zirna, Kawngpui leh Hriselna te a ngaih pawimawh hmasak tur thu a sawi.

Dy Speaker chuan, tunhnai ah zirlai naupangten sikul-a an zir bak tuition kal an in tih hmuh hle tih sawiin, tuition kallo chuan pass theih loh hial anga in ngaihna zirlaiten an nei ta chu a pawh a tih thu sawiin, zirtirtu ten naupangte an thiamna khawp sikul-a a an zirtir chu an tih makmawh a ni, a ti.

Pu Lalfamkima chuan, sorkar chuan Mizoram hmasawn zel nan kawng hrang hrangah hma a lak avangin sorkar hnathawk aikal lak chungchangte leh sorkar hnathawk pension emaw, alo boral avang emaw a khawngaihna a an chhungte hna engemaw a thun a awm zeuh thin pawh kalphung tharah chuan a awm tawh loh tur thu sawiin, sorkar hna hrim hrim chu interview paltlang vek a ngai a ni, a ti a. Hna zawng mek te tan pawh an thiltih ah rinawmna, taihmakna leh Pathian tihna a awm chuan hlawhtlinna awm a ni, a ti bawk.

(Andrew Kolasib PTC)



MNF PR

MNF MLA Pi Prova Chakma chuan politicsah hmeichhia te tan hmun a awm a, tunah hian duhthlanna leh inpekna chiaah an bak tawh a ni, a ti.

Nimina MNF Party Office Mizo Hnam Runah thusawiin Pi Prova Chakma-I chuan Khawtlang nun leh politik chu hun hnih - Kristian hma leh Kristian hnuah a then theih a. Hun hmasaah chuan hmeichhiate dinhmun a chhe hle a, amaherawhchu tunah chuan hmeichhia te chu thiltitheih tak, lehkhah zirnaah pawh mi chung en, an hnathawhnaah pawh hlawtling tak tak te an nih tawh avangin hmeichhia nih vang ringawta insit leh kiltawih a hun tawh lo hle a ni, a ti.

MNF Party inkhawmah hian Mizo Natioanlism chungchang an zirho a ni a, Mizo ram leh hnam venhim leh enkawl, a dinchhuahna tura hmalak chu Mizo Nationalism a ni an ti a ni.

(PR)

<><><>

CENTRAL TEAM VISIT CYCLONE REMAL AFFECTED AREAS

Sawrkhar laipui tirh, Inter-Ministerial Central Team te chuan Aizawl tui lakna Greater Aizawl Water Supply Scheme, bakah Aibawk leh Hlimen te, Aizawl – Muallungthu – Khumtung leh Aibawk – Darlung inkar kawng a leimin leh leimin hlauhawmna hmun te an tlawh hnuah nimin khan Serchhip leh Saitual a chhiatna thlang hrang hrangte a hmun ah an endik chhonzawm a

Central Team te nen hian Serchhip DC Meeting Hall-ah thu pawimawh sawihona hun hman a ni a. He meeting-ah hian Serchhip DC Office leh District Horticulture Office ten chhiatna thlen dan report kimchang an pe a. District Agriculture Office, PHE leh PWD te pawhin Cyclone Remal avanga harsatna an tawh dan report tlangpui an pe bawk.

May ni 27 leh 28-a thlipui leh ruahpui avanga chhiatna nasa tak thlangah Serchhip District chhung khaw hrang hrangah in 60 vel bawr a chhia a, heng zinga 22 hi luah zui tlak tawh lo khawpa leimin leh tuihawkin a tihchhiat te an ni a, 38 te erawh chei thata luah leh tlak an ni a. Serchhip District chhung VC 54 atanga report a luh danin leimin thlenna hmun hi hmun 23 a ni a. Report hi a la luh reng avangin nitin a zat hi a danglam reng a ni.

Serchhip District mipui ten leilet an neihna hmun Zawlpui leh a chhehvel chu nasa takin Cyclone Remal hian a tichhia a. He leilet hi chhungkaw tam tak eizawna hmunpui niin chawhmeh chi hrang hrang - zikhlum, bawkbawn, hmarcha, tomato, vaimim leh a dangte an ching a. Mizoram chawhmeha chawmtu “Vegetable bowl of Mizoram” ti hiala vuah a ni a. Vawiin thlanga report dawn danin Horticulture thlai hmanga eizawng loneitu 152 te a nghawng a, chhiatna thlenna hmun hi Hectare 130 vela zau a ni a, thlai a tihchhiat hlutna hi belhkhawmin cheng nuai 41.92 zet a nih thu Horticulture Department chuan an sawi a. Report hi danglam reng a nih avangin loneitute hloh zat hi hei aiin a la sang thei a ni.

Agriculture Department pawhin loneitu 54 te lo a tihchhiat thu leh a hmunhma pawh chipchiar taka an fan tawh thu an report a. Serchhip District chhunga agriculture crop chinna hmun Hectare 40 vel bawra zau lo leh huan te cyclone hian a tichhia a ni.

Thli leh ruahpui bakah tuihawk luang nasa avangin leilet te hi leivungin a chhilh nasa hle a. Tuilakna irrigation pipeline te a tichhia a.

Kum tam tak intuak hnuah an lei khawl ‘farm machinery’ te a tichhia a. Mission for Integrated Development of Horticulture (MIDH) hnuahia siam Sihdarh Zau Green House, East Lungdar a chhe hneh hle a; Serchhip District chhung hmun

hrang hranga Green House Cluster dang 7 te pawh a khawih chhe nual niin Horticulture hotute chuan an sawi a ni.

Central Team hian Saitual District chhunga khaw pathum inkalpawhna Tawizo - Maite Road, Dilkhan - Lungpher - Buhban Road leh Khanpui - Tualbung Road chhiate a hmunah an enfiah bawk a ni.

Chawhma lamah Tawizo leh Maite inkawlpawhna kawng enfiahin chawhnu lamah Dilkhan atanga N.Lungpher leh Buhban inkalpawhnate, Tualbung atanga Khanpui inkar kawng balte leh siamthat ngai thenkhatte a hmunah an enfiah leh a . Heng kawng an ente hi a chhe hneh hle a, enfiah a nih lai hian lirthei eng chi mah a kaltlang thei rih lo a ni.

(DIPR)



LOK SABHA OATH TAKING

Lok Sabha 18-na MP thlan tharte chu nimin khan rinawmna thutiam tira lakluh an ni. Prime Minister Narendra Modia chuan thutiam hi a la hmasa ber a. Pro-tem Speaker Bhartruhari Mahtab chuan thutiam lak hi a kaihruai a ni. PM Modia bakah hian Union Ministers Rajnath Singh, Amit Shah, Nitin Gadkari, Shivraj Singh Chouhan, Manohar Lal, Piyush Goyal, Jitanram Manjhi, Rajiv Ranjan alias Lallan Singh, Dr Virendra Kumar, Kiren Rijiju, Chirag Paswan, Jyotiraditya Scindia, Annapurna Devi te pawh an tel a. Union Minister ten an rinawmna thutiam an lak zawh hian MP thlan tharten an chhunzawm ve nghal a. Alphabet indawt danin state ten an chhunzawm zel a. Hindi leh English bakah hian MP te hian tualchhung tawng dang Telugu, Assamese, Bangla, Malayalam, Gujarati, Sanskrit, Kannada, Odia, Dogri leh adangte hmangin rinawmna thutiam hi an la a ni.

Vawiinah Lok Sabha thutkhawm hi chhunzawm a ni ang a, MP thlan tharten rinawmna thutiam an la chhunzawm ang.

(Newsonair)



JP NADDA

Union Minister JP Nadda chu Rajya Sabha House Leader atana ruat a ni. Pu Nadda hian Piyush Goyal a thlak dawn a. Pu Goyal hi Lok Sabha inthlan neih zawh takah khan Maharastra-a North Mumbai biala thlan tlin anih tak avangin Lok Sabha-ah a thu tawh thung dawn a. Pu Nadda hi kumin February thla khan Gujarat atangin BJP chuan Rajya Sabha member atana an ruat a ni.

(Newsonair)



RUSSIA

Russia chhimlam Republic of Dagestan-a firfiakte chetnaah mi 20 an thi. Health Minister Tatyana Belyaeva sawidanin firfiaten an thah mi 20 zingah hian civil mi leh dan kengkawhtute pawh an tel a. Civil mi 46 in hliam an tuar bawk a ni.

Pathianni khan ralthuam keng firfiakte chuan Makhachkala leh Derbent khawpui an bei a. Heng firfiakte hian orthodox biak in pahnih, synagogue, leh traffic police te an bitum nia hriat a ni a. A tirah mi 15 an thi nia thudawn a ni a, mitthi zat hi a pung chho leh a ni.



